

NÛT D' NIVÊYE

Blanke èst l' grande plinne, sins movmint, sins vwès.
 Pont d' brût, pont d' son, d' viye pont d' batmint.
 Afîye on ôre on trisse ûlemint,
 K' mërseû bawe on tchén à l' cwane do bwès.

Nol tchant dins l' êr, dzo nos pîds l' mora.
 L' iviêr s' a dauré, stitchî s' mouzon.
 Disfûrlés, stampés à l' orizon,
 Lès âbes, skèlètes, sont divnus sbaras.

Laudje, bladjote, l' lune shène s' volu nèyî.
 Èle a frèd dins l' gris cièl ki l' bagne.
 S' tot trisse rigârd trèvautche li daegne.
 N' î vèyant nèlu, èle n' î vout lèyî.

K' sakants frisses rayons k' èle lê co tchère
 Fantastikès luweûs, tant trisses.
 Rèclêrîye, l' nîve, au lon, sinisse,
 Riglati, tot dimèrant maulêr.

Bén tèribe nût po lès ptits mouchons.
 L' vint triyane, coûrt èt rèle li valêye.
 Zèls, sins pus pont d' aiute dès bouchons,
 Rwèdis dissus leûs pates èdjalêyes.

Dins lès disfouyîs aubes, wèrglacés,
 Tot tronnant, bén près dès corwêyes,
 Apeûris pa lès nulêyes d' nivêyes,
 Transis do djoû, dèl nût is nn' ont asséz.

(D' au lon, à l' après d' d' Gui d' Maupassant)

Chîje

L' cûjène èst paujêre. au fond l' tchiminêye
 Lumine. On fèl feû, bén clêr flametêye.
 A l' uch l' vént choufèle, èt l' plouve dsus l' fèniêsse,
 Toktêye èt tamborine on êr di fiêsse
 Dizo s' vète abajoûr, li lampe, trankile,
 Bagne d' ène tène djane lumêre l' tauve dèl famille.
 On pot, ène boyêye d' fleur d' arîre sèzon,
 S' sinteûr, on vâgue sint-bon, doû come li son
 D' on vî rigodon k' ène flawe vwè mawîye
 Nosse p'pa è-st-a scrîre, nosse mame satche l' èwîye,
 Ratrape on cink a l' marone do dêrin.

(D' co pus lon, à l' après d' André Theurièt)

